

Posbus 5003
Heatlievale, 6851
NGK Worcester-Oos
Murraystraat
Worcester



T: 064 855 6738
F: 023 342 3168
E: sonia@slimbegin.co.za

BABAS TOT 3 JAAR

NASORG FASILITEITE

INLIGTINGSTUK

VOORWOORD

By SlimBegin het ons 'n passie vir kinders!

Ons bied 'n veilige omgewing waar u kleuter met selfvertroue kan ontwikkel tot sy/haar volle potensiaal deur deelname aan ons Opvoedkundige program en stimulerende aktiwiteite.

Die personeel en bestuur van SlimBegin verbind hulle tot:

- Handhawing van Chistelike normas en waardes.
- 'n Veilige omgewing waarin kleuters tot hul volle potensiaal kan ontwikkel.
- Gelukkige kleuters wat kan leer, speel en fantasieer soos net kinders kan doen!
- 'n Skoon en veilige omgewing.
- Die onderrig taal is Afrikaans.
- Goeie en openlike skool- en ouer verhoudings.

Hier wil ons u kind verwelkom in 'n wêreld waar hy/sy kan ontwikkel na sy eie beeld en om sy/haar eie gedagtes selfstandig aan te wakker. Elke SlimBegin-maatjie het 'n spesiale plekkie om te vul in die wêreld. Dankie dat u ons vertrou om saam met u kleinding te bou aan daardie roeping.

Daar is twee tipes geskenke wat ons vir ons kinders moet gee: Diepgewortelde waardes en die vlerke om te vlieg.

SlimBegin Skoolhoof

Sonia Nieuwoudt

LEERPROGRAM

SlimBegin se leerprogram is gebaseer op die Nasionale Kurrikulum Verklaring. Die emosionele-, kognitiewe-, motoriese- en kognetiewe aspekte van die kind word progressief ontwikkel. Die skool se opvoedingsfilosofie word weerspieël in die aanbieding van die dagprogram.

Verskeie leerprogramme, onder andere Eldas Kurrikulum, is gebruik vir die samestelling van die leerpogram.

Die Kurrikulum sluit die volgende in:

- Bybelonderrig
- Kunsaktiwiteite
- Roetine aktiwiteite
- Lewensoriëntering
- Buitespel
- Groot- en fynmotoriese ontwikkeling
- Taalontwikkeling
- Geletterdheid
- Sang, Musiek en Beweging

SKOOLDAE & TYE & TARIWE

5 dae – Maandag tot Vrydag

3 dae – Maandag, Woensdag en Vrydag

2 dae – Dinsdag en Donderdag

DAGSORG

5 dae Voldag 06:50 – 17:30	Sluit Ontbyt & Middagete in	R2 013.00 per maand per kind	R24 156.00 per jaar
2/3 dae Voldag 06:50 – 17:30	Sluit Ontbyt & Middagete in	R1 230.00 per maand per kind	R14 760.00 per jaar
5 dae 06:50 – 14:00	Sluit Ontbyt & Middagete in	R1 662.00 per maand per kind	R19 944.00 per jaar
2/3 dae 06:50 – 14:00	Sluit Ontbyt & Middagete in	R1 053.00 per maand per kind	R12 636.00 per jaar

SPEELGROEP VIR 2 – 3 JARIGES

2/3 dae 06:50 – 12:00	GEEN etes	R 942.00 per maand per kind	R11 304.00 per jaar
--------------------------	-----------	-----------------------------	---------------------

Betaling geskied vanaf Januarie tot Desember.

SlimBegin is oop dwarsdeur die jaar behalwe op publieke vakansiedae en 3 weke oor die feesseisoen in Desember en Januarie.

- Kleuters en babas word persoonlik ontvang vanaf 06:50. Let asseblief daarop dat kleuters nie by die hek afgelaai mag word nie, maar deur die oer aan die persoon aan diens oorhandig moet word.
- Ouers word versoek om betyds te wees aangesien die dagprogram omstreeks 08:30 begin en u kleuter sekere aktiwiteite kan misloop en dit ook ontwrigtend kan wees as hy/sy altyd laat is.
- Kleuters word nie na wagtende motors gestuur nie, maar word persoonlik deur die ouers afgehaal.
- Indien iemand anders u kind gaan kom afhaal **MOET** daar vooraf per WhatsApp of op enige ander skriftelike manier aan u kind se klas juffrou kennis gegee word wie die persoon is en wat die verwantskap is.
- Ouers word versoek om nie laat te kom wanneer die kleuter 12:00 met Speelgroepie klaarmaak nie, aangesien dit 'n klein kindjie geweldig ontstel as almal vertrek en hy/sy alleen agterbly.
- Kinders **MOET** in- en uit geteken word.

NASORG

Nasorg vir kinders van Worcester-Oos

NASORG NA SKOOL	NASORG VAKANSIES
R 1 166.00 per maand (R13 992.00 per jaar)	R50 per dag vir SlimBegin-maatjies soos vooraf gereël met Sonia.
Sluit die volgende in: <ul style="list-style-type: none"> • Veilige-, liefdevolle- & kindervriendelike omgewing • Personeel met kwaliteit ervaring & toegewydheid • Vervoer vanaf skool na SlimBegin • Ligte middagete • Toesig vir geskrewe huiswerk • Toegangbeheer 	Sluit die volgende in: <ul style="list-style-type: none"> • Ontbyt (Pap) • Ligte middagete • Toesig vir speel

FINANSIES

Foioe word maandeliks elektronies inbetaal in die volgende rekening:

LAERSKOOL WORCESTER-OOS

ABSA BANK BEPERK

TJEK REKENING

REKENINGNOMMER: 440490026

TAKKODE: 632005

VERWYSING: (Sal aan u toegeken word deur ons Finansiële dame by Laerskool Worcester-Oos.)

Let op die volgende finansiële terme:

- Dat foioe vooruitbetaalbaar is voor of op die 1ste dag van die maand, oor 'n tydperk van 12 maande. Indien my foioe met meer as 30 dae agterstallig is, aanvaar ek dat my kind toegang geweier sal word totdat alle uitstaande foioe vereffen is.

- Fooie is ook jaarliks vooruitbetaalbaar teen 1 Desember.
- Fooieverhogings sal in Januariemaand geskied.
- Dat indien regstappe sou volg op onbetaalde skoolgeld, sal ek as ouer verantwoordelik gehou word vir alle regskoste en rente verhaal op die uitstaande bedrag.
- Dat skriftelike kennis van een kalendermaand vereis word indien my kind uit die Dagsorg of Nasorg geneem word, anders is die rekeninghouer steeds verantwoordelik vir die volgende maand se betaling.
- Fooie is betaalbaar ongeag of my kind soos bespreek skool bywoon al dan nie. In geval van siekte of vakansie is ek steeds verplig om die skoolgelde te vereffen.
- Geen kennis kan ongelukkig vir die laaste kwartaal gegee word nie, sou daar kennis gegee word vir Oktober of November, sal die rekeninghouer aanspreeklik wees vir die volle kwartaal se fooie tot einde Desember.

DEPOSITO

'n Nie-terugbeaalbare deposito van R500 is betaalbaar met die aansoek van u kind. Hierdie deposito word gebruik om goedjies aan te koop wat u kind sal nodig kry deur die loop van die jaar by die skooltjie.

DAGSORG BENODIGHEDE

BABAS TOT 12 MAANDE

Die babas se daaglikse roetine bestaan uit verskeie stimulerende aktiwiteite wat by die babas se vermoëns en behoeftes aanpas soos bv spel met opvoedkundige speelgoed, musiek en buitospel (indien die weer dit toelaat). Slaaptyd word ingeruim volgens die babas se individuele behoeftes.

HIERDIE BENODIGHEDE MOET DAAGLIKS SKOOL TOE KOM:

- 'n Duidelik gemerkte doekesak
- 3 stelle kleres in 'n plastieksak (gemerk)
- Boksie "nappy bags"
- Die baba se bottels met melk of afgekoelde kookwater, moet daagliks deur mamma ingepak word. Die poeiermelk word daagliks klaar afgemeet in 'n houertjie na die skooltjie toe gestuur.
- Trosie vir slaaptyd (doedoe-doeke/fopspeen/teddie)
- Weggooi doeke: Doeke kan of daagliks ingepak word (+/- 6 per dag) of 'n pak doeke kan by die skooltjie gelos word en die doeke word aangevra soos benodig.
- 5 x jogurts weekliks (indien hy/sy mag begin om jogurt te eet)

HIERDIE BENODIGHEDE KOM DIE EERSTE DAG VAN SKOOLTJIE SAAM OM IN DIE KLASSIE TE BLY:

Ons maats benodig die volgende items en moet dit die eerste dag van skool in 'n gemerkte plastieksak skool toe bring.

- 2 x Paslakens (700 mm x 1300 mm)/platlakens/"receiving blankets" om as platlakens te dien
- Kussing met 2 x slope (normale grootte kussing)
- Kombersies (een dunnetjie en een dikker enetjie)
- 1 x pak weggooidoeke (Doeke kan of daagliks ingepak word of 'n pak doeke kan by die skooltjie gelos word en die doeke word aangevra soos benodig.)
- 1 x pak "wet wipes"
- Handdoek

- Waslap
- Boudjiesalf
- Babapap, indien hy/sy nog nie Weetbix, Mieliepap of Oats kan eet nie.
- 1 x boksie sneesdoekies
- Sagte bal om mee te speel

PEUTERS 1 – 2 JAAR

Die peuters se daaglikse roetine bestaan uit verskeie stimulerende aktiwiteite wat by hul vermoëns en behoeftes aanpas soos bv vryspel, asook gestruktureerde aktiwiteite bv verf, teken, plak, sing, liggaamsoefeninge, musiekaktiwiteite en spel onder toesig met opvoedkundige speelgoed. 'n Spesifieke tema word weekliks gevolg en ouers word aangemoedig om ook tuis met die kleuter daarvoor te gesels.

HIERDIE BENODIGHEDE MOET DAAGLIKS SKOOL TOE KOM:

- 'n Duidelik gemerkte skooltassie
- 3 stelle klere in 'n plastieksak (gemerk)
- Boksie "nappy bags"
- 2 x groot bottels (afhangende van hoe Mamma besluit om melk te bring)
- Die peuter se bottels met melk of afgekoelde kookwater, moet daagliks deur mamma ingepak word. Die poeiermelk word daagliks klaar afgemeet in 'n houertjie na die skooltjie toe gestuur.
- Weggooi doeke: Doeke kan of daagliks ingepak word (+/- 6 per dag) of 'n pak doeke kan by die skooltjie gelos word en die doeke word aangevra soos benodig.
- Kosblik met broodjie (GEEN lekkergoed) en koeldrankbotteltjie met uittrek propjie bv Oros botteltjie of bekertjie met sappie/water (gemerk).
- Trosie vir slaaptyd (doedoe-doeke/fopspeen/teddie)
- Jogurt vir middaghappie (of 5 jogurts weekliks)

HIERDIE BENODIGHEDE KOM DIE EERSTE DAG VAN SKOOLTJIE SAAM OM IN DIE KLASSIE TE BLY:

Ons maats benodig die volgende items en moet dit die eerste dag van skool in 'n gemerkte plastieksak skool toe bring.

- 2 x Platlakens/"receiving blankets" om as platlaken te dien
- Kussing met 2 x slope (normale grootte kussing)
- Kombersies (een dunnetjie en een dikker enetjie)
- 1 x pak weggooidoeke (Doeke kan of daagliks ingepak word of 'n pak doeke kan by die skooltjie gelos word en die doeke word aangevra soos benodig.)
- 1 x pak "wet wipes"
- Handdoek
- Waslap
- Boudjiesalf
- 1 x boksie sneesdoekies
- A4 Croxley materiaalsakkie met ritssluiters
- 'n Sagte, groot bal wat kan bons
- Hoola-hoop
- Boontjiesakkie

KLEUTERS 2 – 3 JAAR

Hul dag bestaan uit 'n daaglikse program wat die volgende insluit: Vryspel asook gestruktureerde aktiwiteite bv verf, teken, skeur, plak, sing, liggaamsoefeninge, musiekaktiwiteite en spel onder

toesig met opvoedkundige speelgoed. 'n Spesifieke tema word weekliks gevolg en ouers word aangemoedig om ook tuis met die kleuter daaroor te gesels.

HIERDIE BENODIGHEDE MOET DAAGLIKS SKOOL TOE KOM:

(Die wat gemerk is Speelgroepie, is wat deur die maatjies gebring word, wat slegs in die Speelgroepie is en nie gebruik maak van ons Dagsorg nie.)

- 'n Gemerkte skooltassie (Speelgroepie)
- Kosblik met broodjie (GEEN lekkergoed) en koeldrankbotteltjie met 'n uittrek proppe bv Oros botteltjie, met sappie/water (gemerk) (Speelgroepie)
- 1 stel klere in 'n plastieksak (3 stelle indien die kleuter nog "potty train") (gemerk) (Speelgroepie)
- 3 x onderklere vir glipsies (Speelgroepie)
- 6 weggooidoeke, boudesalf en "wipes" indien u kind nog doek dra (Speelgroepie)
- Boodskapboekie (wat deur die skool voorsien word) (Speelgroepie)
- Trosie vir slaaptyd (doedoe-doek/fopspeen/teddie/bottel met melk of tee)
- Jogurt vir middaghappie (of 5 jogurts weekliks)

HIERDIE BENODIGHEDE KOM DIE EERSTE DAG VAN SKOOLTJIE SAAM OM IN DIE KLASSIE TE BLY:

Ons maats benodig die volgende items en moet dit die eerste dag van skool in 'n gemerkte plastieksak skool toe bring.

- 2 x Platlakens/"receiving blankets" om as platlaken te dien
- Kussing met 2 x slope (normale grootte kussing)
- Kombersies (een dunnetjie en een dikker enetjie)
- Handdoek
- Waslap
- 1 x boksie sneesdoekies
- A4 Croxley materiaalsakkie met ritsluiters
- 'n Sagte, groot bal wat kan bons
- Hoola-hoop
- Boontjiesakkie

NASORG (SPEELGROEPIE TOT GRAAD R)

HIERDIE BENODIGHEDE MOET DAAGLIKS SKOOL TOE KOM:

- 'n Gemerkte skooltassie
- 1 stel klere en onderklere vir glipsies in 'n plastieksak (gemerk)
- Trosie vir slaaptyd (doedoe-doek/fopspeen/teddie)
- Jogurt vir middaghappie

HIERDIE BENODIGHEDE KOM DIE EERSTE DAG VAN SKOOLTJIE SAAM OM IN DIE KLASSIE TE BLY:

- 2 x Platlakens/"receiving blankets" om as platlaken te dien
- Kussing met 2 x slope (normale grootte kussing)
- Kombersies (een dunnetjie en een dikker enetjie)
- 1 x pak sneesdoekies

ALLES MOET DUIDELIK GEMERK WEES ASSEBLIEF!

SPEELGOED & KLEREDRAG

- Kinders word nie toegelaat om speelgoed skool toe te bring nie (tensy dit 'n "trosie" is vir slaaptyd).
- Ouers word versoek om toe te sien dat kleuters gemaklik aangetrek is, sodat hulle met gemak kan speel en mag vuil word. Spel met verf, sand en water is deel van die dag se werk en deffige klere weerhou die kleuter van deelname aan hierdie belangrike aktiwiteite.
- Alle klere en besittings moet gemerk wees.
- 2 – 3 jarige dogtertjies moet 'n kortbroek of "tight" onder hul rokkie aantrek.

PARKERING

Ons kan nie genoeg klem lê op die veiligheid van ons maats nie!

- Neem asseblief kennis van die elektriese-heining by die parkeerarea.
- Maats moet nie in die parkeerarea of tuin speel nie en moet te alle tye onder toesig wees. Kinders moet asb nie klippe gooi nie. Daar is vensters en motors naby wat raak gegooi kan word.
- Maak asseblief altyd eers seker voordat u in tru-rat wegtrek dat daar geen kinders agter die voertuig is nie.
- Niemand mag in die pad of voor die voordeur parkeer nie (slegs ons skoolbussie, vir die aflaaie van ons nasorgmaats). Parkeer asseblief te alle tye op 'n geskikte parkeerplek.
- Wag asseblief om te kyk dat die hek agter u toegaan voordat u ry.
- WEES ASB GEDULDIG MET MEKAAR.

MEDIKASIE

GEEN medikasie sal toegedien word by die skool sonder skriftelike toestemming van die ouers nie. Dus moet kinders met koors, oorpyn, diarree, veluitslag, ooginfeksie, vomering en ander aansteeklike siektes, liefstuis gehou word. Indien u kind enige van hierdie kondisies/simptome toon met aankoms of dit ontwikkel deur die loop van die dag, sal u gekontak word om u kind so gou moontlik te kom haal.

- Alle medikasie wat aan u kind gegee moet word tydens ons sorg moet in die Medikasie Register aangeteken word. GEEN medikasie sal aan 'n kind gegee word indien dit nie aangeteken is nie.
- Alle medikasie MOET aan die klas juffrou gegee word en mag onder geen omstandighede in die kind se tas gelos word nie.
- Die regte hoeveelheid medisyne moet reeds opgetrek wees in 'n medisynebuis en moet in 'n geseelde bakkie met die kind se naam bo-op aan die onderwyseres gegee word.
- Indien u kind siek word by die skool, sal u as ouer gekontak word as die personeel dink dit is in die kind se beste belang om huistoe/dokter toe te gaan.
- Kleuters met koors hoër as 37.5°C, sal huistoe gestuur word, en weer toegelaat word by die skool met medikasie vir die spesifieke siekte en as die kleuter 24 uur koorsvry is.

GEEN KIND SAL TOEGELAAT WORD BY DIE SKOOL MET 'N AANSTEEKLIKE SIEKTE NIE.

GEEN KLEUTER MET LUISE/NETE SAL TOEGELAAT WORD BY DIE SKOOL NIE.

(Sien aangehegte beleide.)

V E R V E R S I N G S & V O E D S E L

- Ouers van kinders 1 jaar tot 3 jaar, moet 'n kosblik met gesonde verversings saamstuur vir 'n oggend-happie. GEEN ongesonde peuselhappies soos bv Flings, word toegelaat nie. Moet asb nie vir die kinders "squish" inpak vir 'n verversing nie. 'n Broodjie bly 'n wenner.
 - 'n Botteltjie met 'n uittrek proppie met sap of water moet elke dag ingepak word (geen boksies koeldrank nie). Die kind moet dit self kan hanteer.
 - Indien u kind nog in die middag 15:00 by die skooltjie is, moet 'n jogurt saamgestuur word vir 'n middag-happie.
 - Ons vra dat ouers asseblief sover moontlik nie lekkergoed inpak skool toe nie. (As dit partytjietyd is – kan u reël met die klas juffrou om iets spesiaals te verskaf aan die kleuters.)
 - Drinkwater is altyd beskikbaar en word op 'n gereelde basis aan die kinders gegee.
 - Indien 'n kind enige kosallergieë het, moet SlimBegin asseblief met registrasie daarvan verwittig word en sal dit help as u self die korrekte kos kan voorsien.
 - 'n Weeklikse spyskaart sal aan die ouers beskikbaar gestel word. Dit word ook op 'n daaglikse basis by die voordeur op die bord geplaas.
- Pap word slegs tot 08:00 gegee, aangesien ons dagprogram 08:30 begin.

P A R T Y T J I E S

- Hierdie geld net vir 1 – 3 jariges wat daaglik by die Dagsorg is.
- Geen geskenke sal gegee word nie.
- Slegs koek, koeldrank en 'n pakkie skryfies is toelaatbaar. Geen pakkies lekkers, suigstokkies en of Fizzers nie.
- Geen maatjies mag van buite die skooltjie genooi word nie.
- Partytjie tye: Tref asseblief reëlings met betrokke juffrou.
- Geen springkastele word toegelaat nie.

G E L D E

- Skoolgelde moet elektronies inbetaal word.
- Alle ander gelde moet in 'n koevertjie geplaas word met die maatjie se naam en besonderhede van wat betaal word daarop. Gee dit asb self vir die klas juffrou. Moenie dit net in die sak los nie.
- Geen kleingeld word terug gegee nie.
- Geen tjeks asseblief.
- Buitemuurse aktiwiteite word elektronies aan daardie betrokke persone betaal. Geen verantwoordelikheid sal deur SlimBegin se personeellede aanvaar word vir hierdie gelde nie.

K O M M U N I K A S I E – S T E L S E L

- Ons maak gebruik van 'n WhatsApp-stelsel vir 'n meer raakvat kommunikasie tussen ouer en skool. (NB: Laat weet ons indien u selfoonnommer verander.)
- Ons vra ook dat u die D6-App op u telefoon installeer. (Meer inligting sal aan u deurgegee word.)
- Indien daar 'n insident by die skool plaasgevind het waarby 'n kind betrokke is, mag geen ouer ander ouers kontak of met die ander kind praat nie. **Alle situasies word professioneel deur die skoolhoof en personeel hanteer.** Ouers mag ook nie daarop aandring dat ouers mediese kostes dra agv 'n insident nie.

A F S P R A K E

- Indien u 'n saak met 'n juffrou wil bespreek, moet u asseblief vroegtydig 'n afspraak met die spesifieke juffrou maak.

A L G E M E E N

- Geen ouer kan aanspraak maak op enige terugbetalings as die kind afwesig is vir enige gedeelte van die kwartaal nie – nie weens siekte of enige ander redes nie.
- Alle persone en kinders wat by SlimBegin inskryf of die perseel betree, doen dit op eie risiko.
- Die reg van toegang tot die perseel word te alle tye voorbehou. Ons het egter 'n oop-deur beleid vir enige ingeskrewe ouer.
- Alle persone wat SlimBegin se eiendom betree, die ouers van kleuters en die partye tot hierdie ooreenkoms, onderneem om die reëls en regulasies van SlimBegin stiptelik na te kom en bevestig dat daardie reëls by hierdie ooreenkoms ingelyf word as deel daarvan.

B U I T E M U U R S E A K T I W I T E I T E

Buitemuurse aktiwiteite sal aangebied word, maar dit sal vir elke ouer se persoonlike rekening wees. Die aktiwiteite se kostes en inligting sal deur die afsonderlike afrigters aan u deurgegee word vroeg in die eerste kwartaal.

Aktiwiteite wat aangebied word:

- Monkeynastix
- Kinderkinetika
- Swem

A R B E I D S T E R A P E U T E

Indien u kind arbeidsterapie sou benodig, sal ons help met die nodige aanbevelings. Ons verwelkom ook altyd arbeidsterapeute om die kinders by die skool te evalueer vir 'n meer raakvat evaluering.

D A G P R O G R A M

BABAS (4 maande tot 12 maande)

07:00 – 08:30	Aankoms, pap en doeke ruil
08:30	Drinktyd
09:00	Rustyd
10:00 – 10:30	Doeke word geruil
10:30 – 12:00	Speeltyd op die mat binne/buite Magietyd Babas word gestimuleer, gerol en beentjies word ge-oefen. Luister musiek en sing liedjies terwyl ons op die mat speel.
12:00	Middagete
12:30	Doeke word geruil
13:00 – 14:30	Rustyd vir babas
14:30 – 15:00	Doeke word geruil, Drinktyd & Jogurt eet
15:00 – 15:30	Speeltyd en Magietyd op mat in die klas
15:30	Begin gereed maak om huis toe te gaan

- Drinktyd hang af van voedingstyd
- Doeke-ruil gaan geskied soos nodig

PEUTERS (12 maande tot 24 maande)

07:00 – 08:00	Aankoms, pap en vryspel in die klaskamer
08:00 – 08:30	Doeke word geruil Drinktyd
08:30 – 09:30	Rustyd
09:30 – 10:45	Oggend-happie Doeke word geruil Gestruktureerde/opvoedkundige spel
10:45 – 11:30	Buitespel
11:30 – 12:00	Opruimtyd, Handjies word gewas & Doeke word geruil
12:00 – 13:00	Middagete Vryspel Drinktyd
13:00 – 15:00	Rustyd
15:00 – 15:30	Middagversnapping
15:30 – 17:30	Doeke ruil Maak reg om huis toe te gaan

- Doeke-ruil gaan geskied soos nodig

KLEUTERS (2 jaar tot 3 jaar)

07:00 – 08:00	Aankoms, pap en vryspel in die klaskamer
08:15 – 08:45	Oggendkring met Godsdienste, Sang en Wiskunde
08:45 – 09:00	Toiletroetine
09:00 – 09:30	Opvoedkundige en/of Gestruktureerde Spel
09:30 – 10:30	Oggend-happie Toiletroetine

	Vryspel
10:30 – 11:00	Temabespreking & Skeppend
11:00 – 11:30	Vryspel
11:30 – 12:00	Opruimtyd & Handjies word gewas Storie- & liedjietyd
12:00	Speelgroepie-klassie verdaag
12:00 – 13:00	Middagete Vryspel
13:00 – 15:00	Toiletroetine Middagslapie
15:00 – 15:30	Toiletroetine Middagversnapping
15:30 – 17:30	Doeke ruil Maak reg om huis toe te gaan

- Doeke-ruil gaan geskied soos nodig

BELEIDE

BYTBELEID

Jong kinders se kommunikasievermoëns is beperk, en hulle het ook nog nie geleer hoe om hul emosies en behoeftes effektief uit te druk nie. Dit is die 'n groot rede hoekom hulle hulself soms skuldig daaraan maak om te byt of te knyp, om sodoende die boodskap oor te dra dat hulle nie tevrede is met 'n spesifieke situasie nie. In die meeste gevalle wat 'n kind byt, voel die kind kwaad, gefrustreerd, geïrriteerd of selfs opgewonde. Hulle het 'n emosie waaraan nou uiting gegee moet word!

Byt kom algemeen voor by kinders tussen die ouderdom van 1-3 jaar. Dit is die tydperk wat hul kommunikasievaardighede nog ontwikkel. Dit is vir ouers baie onstellend as hul kind gebyt word, maar dit is net so traumaties en 'n negatiewe ervaring vir die mamma van die byter.

By SlimBegin doen ons altyd ons bes om sulke situasies te vermy, maar dit gebeur so vinnig en nie altyd moontlik om te keer nie.

Ons teken alle byt insidente aan, en bring dit ook onder die aandag van die kleuter wat byt se mamma. Indien die gedrag herhaaldelik gebeur sal dit wel met die ouers van die kind wat byt bespreek word. Indien 'n kleuter gebyt word, mag die klasonderwyseres onder geen omstandighede die name van die kinders betrokke aan die ouers gee nie. Dit sal net onnodige spanning en drama veroorsaak.

Waarom byt peuters en kleuters?

- 'n Maat het iets gedoen waarvan die kind nie hou nie. Die kind byt of knyp dan om so vir die maat te sê om dit nie weer te doen nie.
- Wanneer 'n kind spanning ervaar as gevolg van byvoorbeeld, veranderinge in die gesin of trauma, kan dit versoorak dat hy sy maats byt om van sy eie frustrasies, woede of hartseer ontslae te raak.
- Jou kind se dieëet speel ook 'n belangrike rol. 'n Kind wat te veel suiker of stysel eet word vinniger geïrriteerd.

- Moegheid of honger maak 'n kind geïrriteerd en is ook genoeg rede dat hy 'n ander sal seermaak.
- Daar is ook gevalle waar kinders byt om te manipuleer en die grense te toets.

LUISBELEID

By SlimBegin laat ons ongelukkig geen kleuters toe wat luise of nete het nie. Kleuters sal 'n "Rooi Briefie" ontvang om so die ouers in kennis te stel van dit.

Dankie dat u SlimBegin gekies het as 'n slim begin om u kind speel-speel te laat groei en ontwikkel in 'n veilige omgewing.

Ons sien uit daarna om hierdie pad met u te stap.

